

樗

蒯

譜

原叙

遵義爲黔郡皆古梁州之域攷禹貢梁土既蠶圖載  
兗州若豫若青若徐若揚若荆皆有織文絲枲厥篚  
之貢而梁與雍冀無聞盖非其地所自有也遵慶邊  
徼其民又烏知其地之宜蠶也有前太守省菴陳公  
教曰蠶而利斯溥矣丙申冬余出爲遵守詢曰其地  
其民之利興自陳公百餘年來居人猶頌其德勿衰  
先是請崇祀而未許也間與雲衢邑宰言欣然與余

復爲遞請於上游古者有功於民則祀之是安可使  
湮沒而弗彰乎雲衢作吏稱明達才因已爲蠶之教  
既可施於遵則黔中他郡皆可施思欲廣其法而傳  
之而未得盡詳得鄭君子尹所著樗菴譜言陳公教  
遵民蠶事始末甚悉其書良澤於古又得莫君紫香  
爲之攷證疏通皆不忘陳公之德教也亦欲明其德  
教垂布於無窮也雲衢慨焉爲付之梓也固宜後有  
欲行其法者知不必擇乎地地無不可蠶即民無不

可利曩見程春海少農視學黔中時撰有橡繭一序  
適足爲茲謹弁首中言當事曾頒令申勸民種橡亦  
已可蠶之地居多是在守土者善教之耳余泣遵歷  
半載矣念一無所利於民竊有愧前人之所爲而益  
望是譜之傳之果不脛而走也夫道光十有七年歲  
次丁酉夏五山陰平翰

# 原叙

丙申五月亨自仁懷移攝遵義既受事自其煙戶總  
總而田疇甚寡私有不給之慮徐察之其號素封稱  
足穀翁者隨在皆是也即其最下者徒手漫無憑藉  
亦各有以奉其身而不至凍餒始而規焉繼而寤焉  
則舊太守陳公省菴榘之遺惠也夫自三代已還  
井田制壞而農各私其畎畝商各私其壟斷其富者  
甯弃於地而不已予人其貧者至求並日之一食而

不可得可勝歎哉而遵義自有櫛繭來猶不至於是者何也櫛之生也不必膏腴雖犂硯之區皆可植繭之成也不必其自爲雖行道之人皆有功已無用之地植有用之材即已無業之人而納已不費之業傭之者受小貲主之者享大利所謂交易而退各得其所者也蠶事畢繅事起煮繅道織需人愈多雖有瘖聾跛躄斷者亦各得盡所能已餬其口而貿遷子本之獲更可不必言矣夫已食爲衣者利一定已衣爲

食者利無方貴州則皆凶縣也皆凶縣則皆可使自  
致此無方之利者也皆可致此無方之利何呂皆莫  
之致也豈無師陳公之遺法而爲之者耶抑頗有行  
之而法有未盡也耶案牘之暇嘗與紫泉莫君緒論  
及此屬爲訪種櫟食蠶繅絲織繭諸成法卅爲一書  
鐫本分致寅好冀各布之所士呂廣陳公之惠而莫  
君曰謂其友鄭君子尹舊著有樗繭譜最詳悉可無  
別起卅當爲索之亨亦舊耳鄭君名知其制行端潔

著作繁富爲黔中不易覲人物思一至吾室而渺不  
可得幸是時方延主啟秀書院講席候其來得領言  
論風采諒哉卓然有道之士渴願於此大副因乞其  
繭譜稿而鄭君再三曰麤糲辭不肖見不固乞乃曰  
某之爲此特紀舊守名蹟以示子弟使不就墜失非  
法施書也且詞亦不便俗倩莫君據此別爲之庶有  
裨乎乃授而讀焉文辭雅質古色斑駁欲施之民間  
果難家喻戶曉乃商之莫君屬加音釋疏其不易闕



而補所未備既就緒付之梓人乃書數語志其緣起  
嗚呼一榘繭也得二君譜釋之言之文行則遠發簪  
賢之潛德而普美利於無窮未必不兩得之矣道光  
十七年五月廿日長白德亨

程春海侍郎橡繭書事

黔龍州十三富龍二曰黎平曰遵義黎平曰木遵義  
曰繭繭不已來曰橡然非躬於遵義人也乾隆間陳  
君實教之于是食繭利凡數十年春秋繭成歌舞祠  
陳君如生道光三年冬遷試遵義旋過橡林間風策  
策然葉鱗鱗然記所歷郡皆有橡不以繭今過平越  
都勻土益沃宜橡因嘆曰處處有橡處處可繭也富  
獨遵義乎過鎮遠見方伯吳廉訪宋頒令申勸民種

橡詞懇懇著街亭時夕陽爛如駐馬讀之過思南選  
萬校官世超韓劄出則方伯廉訪督使巡上下游購  
橡子教播種期三年成食繭利嗟乎居尊官親民爲  
謀百世利思深哉可謂君子儒矣黔土瘠黔民勞勞  
無所獲遂頽廢不自振曉之曰利在莫不信視某地  
民遽然顧牆角畦稜有美蔭皆金錢其黠者又慮利  
与害俱且權之曉之曰有百世利無一日稅也則又  
慮購繭器織具紛然貨未入先貸曉之曰如購種法

皆官爲夫民驕子弟官慈父母也驕乃惰慈乃周已  
周起惰惰乃勉皆可學而能也數歲利必若遵義富  
甲西南維矣

樗繭譜

遵義鄭珍纂

獨山莫友芝註

誌惠

乾隆七年春。太守省菴陳公。始召山東榘繭蠶於遵義。公山東歷城人。名玉璧。音殿字韞璞。由蔭生補光祿寺署正。出同知江西贛州。贛去聲乾隆三年來守遵義。日夕思所召利民事。無大小具舉。民歌樂之。罷故多。

榘樹榘音

己不中屋材薪炭而外無所於取公循行

往來見之曰此青萊間樹也吾得已富吾民矣四年

冬遣人歸厯城售山蠶種兼以蠶師來至沅湘間蛹

出不克就公志益力六年冬復遣歸售種且已織師

來期歲前到蛹得不出明年布子於郡治側鹵小邨

上春繭大獲

嘗聞鄉老言陳公之遣人歸售山蠶種者凡三往返其再也既於治側西小邨

獲春繭分之二附郭之民為秋種秋陽烈民不知避成繭十無一二次年烘種鄉人又不諳薪蒸之宜火候之微烈蠶未繭皆病發竟斷種復遣人之厯城候繭成多致之事事親酌之白其利病蠶則大熟乃遣蠶

師四人分教四鄉。收繭既多。又於城東三里許白田壩。誅茅築廬。命織師二人。教民繅。煮絡導牽織之事。公餘親往視之。有不解。口誦指畫。雖風雨不倦。今遺址尚存。邑之人過其地。莫不思念其德。流連不能去。公遂遍諭邨里。教以放養繅織之法。令轉相教告。授以種。給以工作之貲。經緯之具。民爭趨若取異寶。乾隆七年。八年秋。會報民間所獲繭至八百萬。是年。蠶師能蠶織者各數十人。皆能自教其鄉里。而陳公即已冬間致政歸。挽送者出貴州境不絕。莫不泣下也。唯蠶師織師仍留。自是吾郡善養蠶。迄今幾百年矣。紡織之聲相聞。櫛林之陰迷道路。鄰叟邨媪相遇。惟絮話春絲。

幾何。秋絲幾何。子弟養織之善否。而土著裨販著入聲。

走都會十十五五。駢坐而立。昭坐音比。昭音去聲。導網之名。

竟與吳綾蜀錦爭價於中州。遠徼界絕不鄰之區。秦

晉之商閩粵之賈。又時已繭成來。帶帶音去聲。鬻捆載已去。帶音去聲。

音埋育。與桑絲相攬襍。以為縐越紉縛之屬。縐即字。使

導義視全黔為獨饒。皆先太守之大造於吾郡也。故

譜之作。誌遺愛於首。

定樹



蠶之樹。罷人名青桐。音岡其繭即曰青桐繭。前輩言為

樹是櫟。櫟之子名橡。音象曰字曰橡繭。然其樹實櫟也。

攷櫟一名栲。一名柔。音杵。詩集於苞栲。陸疏曰。栲。今

之為栲。其子為皐。或言皐斗。其殼為汁。可以染皐。今

京洛及河內多言杵斗。或云橡斗。謂櫟為杵。五方通

語也。說文曰。柔。栲也。陸疏。一。名。杵。一。名。栲。詩。凡。栲

之杵。即說文之柔。二字同。一。名。杵。一。名。栲。詩。凡。栲

杵。械。三。蒼。說。械。即。杵。也。李。時。珍。曰。櫟。有。一。種。不。結。實

者。其。名。曰。械。其。木。心。赤。結。實。者。其。名。曰。栲。其。實。名。櫟

一。名。櫟。其。實。名。草。即。皐。字。說。文。作。草。一。名。樣。音。象。說

也。櫟。實。一。名。草。斗。一。名。象。斗。其。房。可。以。染。皐。故。名。皐。房

半。實。似。斗。故。名。皐。斗。名。象

斗象者。

一名茅。

音余。又音序。見莊子。案昔人皆謂莊

伯也。

爾雅。

柳注云。

子如細栗。江東人亦呼柳栗。今俗謂

之茅栗。

猴栗。

柯栗。皆此類。莊子之茅正此物。即今貴

筑縣之毛栗。

亦呼侯栗者。

族生鼠難長。而其花葉其

林裏實。

一林。

一三實。又皆侶栗。與櫟及榭之一排一

實。且不周裏。

此異。

且茅栗並言。茅斷是

栗類。

亦猶櫟。

櫟並言。櫟亦斷是櫟類。一名柞實。

珍曰。

一名柞。

樣字俗別作橡。故又名橡。替人皆目橡

子。

一名籽。

獨謂以其實名象斗。俗人不解象字義。妄加木旁。後

又省斗字。

單名之橡耳。

櫟之房亦作斗。亦可以染皂。

知其名。

櫟猶名斗之意。

古但名斛。後

人加木。

作櫟。故橡櫟二字。

古皆無之。其房名栲。

音求。

謂其

求然。

據鄭氏詩箋云。

柞之葉新將生。故乃落於地。李

時珍言檨葉如楮葉

楮音儲。檨別也。花亦為穗。其實如檨而小。山經有之。

而文

理皆斜句

音鉤

則俗名水青柶者檨也

今食醬作繭者

即毛詩檨檨

聲轉為檨檨後又損一字為檨

檨檨即殼棘其

子欲落時殼棘然。因曰名之。又疑名檨者。以殼棘之義裁一字而別制檨字。

古一名栲一

名山栲

一名栲。檨皆本詩陸疏。

一名心

爾雅云檨栲心樊光注

檨栲檨檨也。有心能濕

能即耐字。

江河間曰作柱是也。唐

書后妃傳載后封嵩山

禪少室封壇南有大檨。赦曰

置金雞其杪。賜號金雞樹。故又名金雞樹。俗以葉倍

櫟大故名大葉櫟。又名櫟檀。音驢實名櫟檀子。俱見本其

葉蘇頌圖經名榭若皮俗名赤龍皮俱入藥。詔人呼

青櫟者或檀櫟聲近遂轉檀為櫟。曾見唐史載開寶

四年資州獻梅青櫟二木合成連理則知青櫟為蜀

地舊稱其來已久也。榭與櫟大致相類。嘗細驗之。櫟

幹老猶偃栗枝。榭生二三年即甲。皴音匪壘櫟皮橫皴而

不裂。榭皮直皴而癰癢。皴裂貌櫟葉短厚光滑。半已

上始出芒短而勾。榭葉長者五六寸。捫之滯手。盡葉

一紋一丈長而直。櫟之實長而細。櫟實大而圓。櫟葉

冬夏常青。新生而故落。櫟冬零。故盡而新生。

櫟四五

櫟三四月開花。皆為穗。如栗。七八月內結實。

此其別也。

自櫟與櫟相類。至此。言櫟樹形狀。鼠

悉辨樹者審之。

其人歲儉。皆可採食。

人者實中肉也。下櫟人同。

但僵澁甚。

食必浸至十日。已外。櫟人倍之。二木之葉。已食。蠶繭

成一也。但櫟少。種之四倍。遲於櫟。始可蠶。已故無種

者。間有之。其理堅密。器尤取材。亦不。已食。蠶也。若櫟

林中。有一種樹。族生。難長。甚類櫟。惟葉粗大而色較

青俗名扶櫟。即郭璞爾雅注云。詩所謂枹櫟者也。李時

珍曰。櫟有二種。一種叢生。小者名枹。即此。一種即前所說枹名狀。不煩引。於毛詩為苞櫟。

郭注所引出三家詩。枹音夫。夫扶聲有輕重耳。其葉

不中食。蠶食之肥者亦瘠。扶櫟俗又呼枹櫟。扶櫟二字。遵義人讀之。聲畧同也。

又呼為席皮青。桐山東人謂遵義之青桐為枹櫟。而遵義又以謂葉青大一種。貴州一省及湖南。是沅之間皆謂遵義青桐者櫟木。而謂遵義枹櫟者青桐。皆方言之小異也。又有一種樹狀亦如枹。種之成林亦如枹。惟葉較枹青而稍短狹。子亦如枹。而細長。皮稍白。亦直皺。而瘠。瘠畧少於枹。幼無皺裂。老乃皺裂。唯大幹然。小枝否。枹則小枝亦皺裂。唯嫩莖否。為異耳。稍難長於枹。土人亦謂之扶櫟青桐。

或謂之榭。檠青桐。与榭。稊種。亦有專種。一山者。曰食  
蠶。絲最執。幾敵桑絲。為山繭中第一。不侶難長。而葉  
獨粗大之扶。檠瘠  
蠶也。不可不辨。

### 定繭

山海經載。歐絲之野。歐即一女子據跪樹。歐。字。又載

民之國。莪音至。不績不經而服。知天地既生斯人。憫其

寒。不知自為計。有受自然之衣被者矣。自伏羲化蠶

為繭。由陵氏身教之。絮帛之暖。遍海內。於是蠶功盛

焉。降及少昊。呂鳥名官。而九雇為九農正。雇音戶。其一

桑扈竊脂。爲蠶驅雀。可見唐虞以前。大抵皆山蠶耳。

爾雅云。蟪。桑繭。蟪音象。讎。由。樗繭。棘繭。藥繭。虻。蕭繭。虻音

元。此五繭。唯食桑者。成於蠶室。餘四種。竝山蠶。食棘

者。或即今椒繭之類。椒繭。蠶食椒葉所成。今山東有之。其種同柎繭。案李時珍說。柎

曰。其葉食蠶。取絲作琴瑟絃。清響勝常。爾雅所謂棘繭。即此蠶也。又說。奴柎曰。柎柎而小。有刺。葉亦如柎。

葉而小。可食蠶。棘繭當謂此兩種。今有一種野蠶。成繭於蒿艾間。蕭

繭。或即類此。唯藥繭不可知。今之柎繭。正即古之樗

繭。或曰。樗。山椿也。柎。與之不類。不得強以樗繭合之。



曰。管有言之者矣。藥溪談記案爾雅。讎由樗。繭即今萊陽之山繭。紬暑窗臆說則云。山繭即禹貢之檠絲。今之山紬。樗繭又別一種。乃今之椿紬。樗不材木。土人嫌其名。故偕名椿。爾雅所云蠟桑繭。即今山桑。檠絲。讎由樗。繭今樗絲。借名椿。繭者也。如仲威說。今遵之。樗繭。種即齊之椿。繭其為爾雅樗繭明矣。樗。樹柔韻。樗柔

雙聲。特平上之分。樗。櫟類。亦可名樹。柔。名樗一也。詩采荼薪樗。唯樗即是。樗乃中薪材。堅耐火。若必指為臭椿。則腐臭特甚。今亦從未有以為薪者。何詩必取之也。且莊子言樗必兼櫟。少有單言者。其為一類明。

甚。合鄭君所引諸說。或曰。曰櫟爲樗。古無是說。究不  
樗。櫟之名。雖不可易。若食櫟稱櫟。名實相副。曰。艸木之名。曰時地變。其形  
狀要不可誣也。爾雅。樗山樗。郭璞注。樗侶樗。色小白。  
亦類漆樹。毛詩。艸木疏云。山樗。與下田樗略無異。葉  
侶差狹。方俗無名。此爲樗者。今所云樗者。葉如櫟木。  
皮厚數寸。可爲車輻。或謂之樗櫟。如陸氏言。是後世  
所謂山樗者。非樗。所謂樗者。不名山樗。而古名山樗  
也。其稱樗之形狀。正即是今之櫟。郭氏但據當時所

謂山樗已當栲。不知名是而實非也。又孫炎爾雅注。  
櫟侶樗之木。今櫟與山椿無一相侶。知所云侶樗。蓋  
主榘言。然則樗自是山椿。生山中與生下田。本非兩  
種。於古止名樗。後世增稱山樗。始與栲名相亂。栲山  
樗自是榘。省稱樗。即與山椿同名。雖由樗繭蓋食山  
樗葉者。非食山椿也。樗繭即榘繭。亦可呼作繭。御覽  
引廣志曰。有野蠶。有柞蠶。食柞  
葉。可以作絲。即  
是此種蠶也。

蠶期

春蠶二月始。五月畢。清明後十日上樹。夏至畢。遲者繭不封口。秋蠶五月

始。八月畢。夏至前後上樹。白露畢。遲者繭不封口。春蠶自上樹至畢繭

約七十五日。秋蠶自上樹至畢繭約七十日。

蠶山

山必謹其陰陽。蠶陽物。蠶之出卵。自子至午。未以後

惡溼喜燥。山陽耐日。其蠶美大。繭成亦如之。陰則否。

可移作繭。食蠶宜向陽。陰處但可作繭。此謂春蠶。唯秋蠶宜山之陰者。

為可避蘄陽之烈。凡當西晒之山。秋蠶最忌。○蠶最畏霧。著之甚者死。不甚亦病斑。不

能作繭。山有空穴。雨欲晴。晴欲雨。時霧氣甚。相蠶山者。謹避之。故有烟瘴之處。斷不可蠶。

### 蠶地

相地之法。泥爲上。挾沙次之。紅沙火石地爲下。沙石者。所樹葉細且瘦。繭成如之。且葉盡時。蠶或四下。值曰烈地熱。更善死也。秋蠶尤忌。蠶初上山。更宜向陽畧平泥地。

### 蠶樹

樹種二三年。及伐而蘖者。蘖伐後之芽也。曰火芽。亦曰頭芽。

育子蠶宜。

子蠶謂初出卵者。壯蠶不宜食。食則病瀉。不能退臙而死。經蠶者曰二

芽再蠶者曰三芽。

凡伐後次年之蘗曰火芽。壯芽蠶食二年曰二芽。三年曰三芽。

之老而喬者。用作繭。凡相樹高毋過一丈。已高則苦。

剪移與下繭。

也。已太。

葉以厚大而青老者良。否則力薄。

良者春生時。莖葉皆小白色。

莖音臺。

帶赤者味辛。蠶不

喜食。食亦不肥大。

蠶祥

子蠶之林。

蠶上樹五六日內之林。

名衣子地。

或謂衣子林。

中有香如

蘭者。謂之蠶花香。此上祥也。後必大熟。眠後有一二

紅黑頭者亦北美收

雙角。小於常蠶者。林中見一二。

亦上祥也。凡蠶在此樹。葉未盡。不必往食他樹。惟此蠶朝東見之。暮或西見之。但同林。雖間一二里。亦能往來。而不見其來往之迹。土人謂之神蠶。稍驚之。侶有希希聲。

### 蠶忌

蠶忌油桐

酷鼠也。李時珍曰。罌子桐。又名虎子桐。又名油桐。亦或謂之紫花桐。案油桐葉

微侶桐而小。幹率曲屈。無直上者。至三四尺。枝即四出。長頗遲。開花微紅。子大小如石榴。而齒尖如桃。拾之。去其外軟皮。中為瓣如蒜。或二或四。瓣各有硬皮。乾之。去其硬皮。肉白色。以榨油。焚燈。亦可和漆。貴州是處。經其樹上。其葉者死。烘室中。然桐油者。及誤有之。

曰其木烘者後生之蠶死

李時珍謂其子味甘而吐又謂桐子油氣味甘微辛

寒有大毒故毒蠶尤甚

山有桐除之家有桐謹之又食白楊者

死亦食他襍木致病

食他木之味辛澁者皆致病其餘雖不病亦瘠齒惟嫩楓葉蠶

食之無害孺林時亦不去之

### 蠶害

害蠶鳥一也將曙及薄晚力防之

時其來驚之呂蠶銑鳥之中惟鴉鼠

繁又鼠無畏銑所不能禁獨蟾蜍能吸其卑枝者  
畏神枝箭射之則去可半日  
俗謂癩蝦蟆有則唯蛇升木野猪拔樹茲二害特酷  
搜去之其害猶小



善守者亦無預防術也。

二者唯見則力驅之。

若山蚱蜢。

音乍猛形如蚱蜢。

蝻而大。色微赤。黑。俗名績麻婆。

馬蜂。

山蜂之大者。二物食繫樹秋蛾。

枇杷蟲。

似蜉蝣而微長。

張翼則能飛。三者食蛾與蠶皆啞破其皮。而吸其肉汁。蠶即死。

之屬唯秋蠶受其害。

雞狗亦食蠶皆宜防。

### 蠶病

蠶之病二。縊與斑。

縊者自吐少絲挂樹上死。斑者發黑點自墜地死。蠶縊原於寒。俗名

黃瓜皮。初眠後始有。各自受病。而不傳染。斑病原於火。俗名斑狗。莊臆後始有。其傳染。一林俱為之臭。

病之原三。未蛾蛹受雜木煙氣一也。

此種多病斑。

一。卵出

時烘之火已烈已微

已太也烈則卵受熱後必斑微則受寒後必縊

一剪移

時率滿筐省一二往復蠶為所罨致吐其沙

此種多病縊

即不病繭成亦敗

繭亦薄不中縲○蠶當上樹後或天氣寒熱不一蠶值之至三眠後

滿腹絲化為滿身毛毛皆躍躍自動謂之飛絲一二日即死此感天時不正之氣欲避之無由也然必主

厥者運厄始遇之

蠶眠

蠶四眠上樹約七日則眠蛻厥黑而起

是為初眠子蠶黑色蛻黑

而又約七日二眠蛻厥褐而起

蛻褐則色青黃

又約七日三

眠又約十日大眠

一名四眠凡蠶眠時必自吐絲絆其後脚於葉為蛻時用力地也若

偶傷其絲則不能蛻而死

其起也食益力唯勤移為功

大眠後蠶食愈增至

一日夜盡七葉蠶肥甚澤澤有光謂之莊膳凡十日膳既滿不復食倚葉似眠大遺屎漸小如二眠後時

謂之退膳膳退盡始吐絲綳三四葉自裏如

每眠約

一曰陰雨二曰眠時慎無剪移

移出卯時旋必食其殼

之半每眠起時旋必食其蛻之半不令食則蠶弱繭薄此事頗與馬子之食胞同似蠶馬二物嘗相關也

方悟搜神記載太古時馬皮捲女化蠶事未盡誣且周礼原蠶之禁亦掌之馬官也

蠶食

蟹曉不食。為露也。晞而食。日出露乾曰晞。午不食。為熱也。晁

而食。日西下曰晁。食必十日增半葉。其極。食之極多時也。朝移之。

午樹冬矣。冬盡也。時曰五葉。夜復二葉。

### 居守

主廠者。蟹匠也。其傭曰蟹火。所居曰蟹廠。分駐曰蟹

蓬。器備曰蟹刷。曰蟹鏡。曰蟹剪。曰蟹鉸。元去聲。即鳥鎗也。空發以

驚鳥不置子。曰鐸刀。即鐸刀。曰排套。曰機竿。曰響哥。曰沙撮

曰欸。霹。音料辟。餘如成家。飲食器用。或妻兒具也。

# 春蠶

春蠶。秋繭出也。十月擇種。收秋繭時粗擇之。取大且

厚。大兼尖與圓。非揀謂大也。揀種者當各擇均而取之。蛹雌者繭多大。雄者繭多小。若專取大者。來年

蛾出無雄。皆棄蛾也。色黃而赤。指衡之重。搖之活。而耳之不悉

索者。悉索。繭中蛹聲。擇種當取無聲者。良有聲者為響繭。但可縲絲。已為種。雄者稍

尖。雌者稍圓。略可別也。皆針其後串之。毋針其系。繭

端有系者頭無系者脚。蛾之出必齧系間作孔。若串其系。來年烘種。蛾無由出。皆死繭中矣。串繭為可挂。便出蛾也。亦有收種後不即串。散布之竹簾上。寒天盛以篋置密室。將烘始串之者。有初烘時未串。嫩

布竹簾上烘之。至蛾將出前半月始串之者。皆  
可。然先串便收拾。且環室與簾挂之。亦便烘。室中

先置平架。席竹簾。

編簾用一寸之篾。以篾綵緯之。使

不透風。處

布繭其上。風之。或疏挂之。均無使受艸木

之煙。

若冬腊兩月值大寒。又當置之。若受。來年育蠶

複室。或室中置微火。恐蛹凍死。

必病。

烘種

烘種為蠶事利害關頭。蠶之熟否皆係乎此。必諳練者數十日。夜更守無稍懈。

烘春種必四十五日。而蛾成。

立春始事。春分蛾出。

先設一密室。

毋入風。倚四壁懸平竿。高五六尺。疏列繭串。去地尺

餘中置盆火。火以槲他木必。令其氣暖之。以變蛾蛾。

以次齧繭系出。始終烘毋失火。火力日漸而增。四十

視天之寒燠。節薪之多少。毋已烈。烈則蛾速出。卯先

十曰而畢。皆如之。有出者即捉置

蛾觀俗名配對

脩眉腹坐坐者雌。淫淫者雄。雄者眉粗而短。雌者眉

縱之昏於筐也。昏配聽自合。司昏者擇其合。寢之他筐。

其觀也期對時。觀交構也。對時者。如今日子時毋使

過不及。

過則雌脹死。不及則氣不化。卵多。

觀已絕夫而閉其妻。夫去

已鰥死。妻畢產亦自枯。若歲生之雄少。則一夫可兩

妻也。

分兩日配之。今日配此雌。對時又折以配他雌。然後配之。雌之卵終多。其不暇者。蠶亦瘠。父

氣不足故也。

昏時有貪。勦而拍拍有聲者。

勦音擾。

此為狂夫。

不去必亂群。合亦為所解。

不去此等蛾。他蛾之合者。皆為之解。有則立除。

之。昏之前必去雄之溺。

去聲。

否則難為此。

此路雖觀如勿。不去則破精。

觀然。亦有無溺之雄。尾瘦不濕。不煩去也。

觀之後必去雌之溺。否則難為

產。

去溺。呂兩指輕搦雄雌之後。拊之。



蛾卵卵仍無失火。若天氣溫。可暫輟火。

筐置蛾二百五十。皆已配雌蛾。越三日布卵已出之。盡出其蛾。

復置亦如一筐之蛾。極於五百。一蛾之卵。極於一

百。卵約十五日而蠶出。筐約十日而出盡。除不生及生而損壞受戕者。

後獲繭三萬者上。二萬者中。一萬者下。若烘不盡法。

烘兼烘繭。烘卵而言。則一繭不收。

### 售種

售蛾於烘戶。蠶少者不自烘種。皆售於烘戶。烘戶者專烘種待售。凡村落皆有之。使人亦自

便售卵於市。卵者已布春秋皆售蛾。春蛾亦在筐但

之。也春簋售筐。蛾價秋出者一當春之二。秋出者秋繭

一歲之蠶春為正收。秋季斑縕尤甚。有收者堪種。售亦少。且多勞數十日之烘。故蛾視春繭出者為貴。

蛾待卵於烘室。此下專售卵者已歸候蠶一二出則

肩之山。售蛾者於烘室候蠶出。售卵者如其急若置

郵也。於是時也。夜不閉關。

辨筐。專謂售卵之筐。

春卵善者必堅附筐。堅固不附者敗。不可蠶。治種者

刷曰薄麵糊或猪血黏筐上

俗名搭子。原蛾布卵時。即有血汁膠黏筐上。故

用淡猪血黏敗卵效之。曰。詐售之。其卵不生。生亦必

惑人。麵糊但取其黏而已。病若辨之有汁痕。凡蛾自布之卵多積為堆。黏搭者

偽者。先置空筐。畧曰數蛾布卵其上。候善筐卵出畢。刷其餘不出者。簋去其半殼。曰麵糊猪血搭於空筐

中。俟真卵一二出。售之人之受愚在此。不可不察。

## 上樹

布席襯筐。搯蓋。

襯音親。去聲。墊也。搯音支。撐也。蓋筐之蓋。蠶將出卵時事。以席墊筐。欲子

蠶不散於地。且便掃。撐其蓋欲便置。榭枝。且蠶性向明。使其見明而出。

曰待卵生。蠶出

卵針大而黑。即已。櫛嫩枝置筐。弦也。聽自上。筐中亦

小枝亦不無上者。午已後。子蠶有散走。筐席間者。掃

移之火芽地。架樹杪。聽散食。俗名開衣子。故謂次第

盡卵出而止。

秋蠶

秋蠶出自春繭。春繭成時。暑蛹化也。速急擇之。如春

種。串其後。縣而涼之。約二十日。蛾畢出。其覲蛾視春

蠶既覲。秋蛾已覲。即盡斷其雄之翅。恐其則析梭心

飛入林間。翺雌致不能產而脹死。

或麻縷縛雌一翅繫之衣子地火芽間其卵即布著樹

蔣林蔣音蒿

蔣林除荆棘襍艸木也。去荆棘已便循行去襍木使

無溷蠶羞也唯艸不務盡欲既蠶隊不至地也。土人云

中楓亦不去。嘗見事物紺珠載有楓蠶。楓葉始生有

蟲食葉如蠶赤黑色四月吐絲。光明如琴絃。海上人

取作釣緇。知楓葉可以飼蠶也。蔣不盡地。今日移蠶。昨日蔣林矣。其

材即供薪蒸。若衣子地則蔣也。必務盡淨。艸亦務盡衣子地皆

未頭眠之子。蠶力不健。風震葉易墜。艸不務盡。不易拾。

剪移

蠶食葉盡。皆附空枝。盡捉而移。則不勝煩。且易傷蠶。故剪枝載移。

剪無時。枝空為度。載以筐已少。則勞人已多。則勞蠶

載太少。則多往復。太多。則蠶當酌中。與其勞蠶寧勞人。慎毋罨。音退。出而午之。散。

布也。使忘移家。寧令暫飢。毋令去不能食。枝大者。若鉞

之。鉞。手折枝也。音覓。傷樹。且損蠶。捉之。毋驚。毋絕。蠶附大枝。或幹者。不

可剪。捉置筐已移之。出不意驟捉之。即立下。若驚之。或捉稍緩。則抱枝固。雖中絕為二。不下也。捉者留心。

其攫也如虎。謂捉之。舍筐如鼠。謂置之筐。移必依林之次。能

量蠶權葉無使有餘不足是上火也。

凡移蚕但已所剪枝架樹杆如

上樹時蠶自能緣樹食葉不一捉上也。墜地者拾而上之。

### 下繭

繭成有未繭者。

未爬甕而尚食葉者如已爬甕則聽之。方爬甕若驚之則四走妄吐絲不

作移之他樹。

不移恐摘繭時破食。

次第候其靱摘之。

靱音又堅也。繭成後

蠶自瀉白漿漿其繭必三日漿始乾。南朝始可摘。若濕摘之則其繭必壞。

已高梯之橙之。

橙音

毋搦使餒。

中敗日餒。

毋按使凹。

音埏。外不圓滿也。

筐載而歸。

之廠晞其葉。

葉爬甕時自裏之葉。

剝齒

晞已剝其葉必順其系逆則傷齒齒系為上剝必汰必自上而下

其病汰音太擇去也病見下條存則疰齒疰音註蟲蝕也留之生蟲兼疰善齒也近

山者畢而歸之家

齒病

齒病三。大而厚。特不封口。值口有黑迹而濕。是曰油

頭。口封而汁汁濕。是曰血齒。二者蝟皆餒為敗水所

漬。漬謂善齒為其所漬。漬音自浸也。則善亦敗。其薄而不堅。曰二皮。齒



之未完者也。

油頭血繭。蠶之斑病未發者所為。二皮。蠶食不足。及作繭時為人偶搦者所為。

炕繭

置架牀布篾薄。累繭其上。下烈火炕之。

炕之固宜太火。但亦不可

遇烈。恐絲脆。○炕時以篾席覆繭上。中留一孔。以乾稻草掩之。其繭色始佳。為取汗。蛹索索若

驟雨。候經時無聲。死繭降。升生繭。

撒下已炕之死繭。另上生繭炕之。

畢。炕盛於篋。

盛音成。篋音兜。

售則肩諸市。非强有力者。不勝

三萬也。蠶遠者山炕之。售絲復山繅之。

就山炕。與繅。

繅絲

引下諸條。其有非師授不能為。非親見不能知者。雖釋之。人亦難解。即不加釋。

甕獨竈

甕音  
綱

置縲

音

中盛收灰水

收音  
喬

候沸極入

甕煮一二沸即縲去竈右尺置縲車車大幅徑四尺  
必活二幅已脫絲軸修五分徑之一牀修三軸之修  
去其半為高容車半已閣軸而活之一端蓄曲柄  
末繫四尺之縲活之斜而左下結於絲竿駢之上閣  
木架一橫之端出駢二寸於橫之一正中蓄方柱一  
高四尺上二尺釘筭絲弓釘筭音  
頂管弓末懸環鐵為之  
柱之顛橫一木長三寸兩頭各植一長二寸令執斜

橫近端圓鑿。已銜天輓。音輓輓六觔。中鍬一縫。鍬音狹。刻也。縫

去聲。已迎送絲上下。司縑者執繳竿。繳音矯。繳其繭。和其

絲。引其緒。去其強。強上聲。司火者節火力。足踏絲竿。竿

運繩。繩運柄。柄運車。車運天輓。絲出駟上。貫弓環。又

上從輓外入輓縫。繞出輓外。下縈於車。去車底五寸

置盆。火已出炭。毋猛使絲旋乾。畢脫之。糾之。糾音縑。九

常二人。不能踏車。則三人。

縑別

車急則絲急。緩則絲緩。急絲為水絲。織水紬。緩絲為  
府絲。織府紬。縹水絲合三忽。府絲倍之。緯則再倍之。  
緒之繭曰餵頭。餵音畏。縹者隨畫隨續。毋絕餵。則絲均。  
繭舞躍湯面。能終縹。無增減。是上工也。

淨絲

縹已。已絡張縹車。

絡音柳。縹音棚。

車方趺。

扶音柳。

植一柱。中置輪。

輪徑如縹車。列左右。列淨車。前左者尺。車製與紉縹

車等。長其筵。

筵音廷。

貫筵。隻。

隻音雙。

左。案縹車之緒。謹去其類節。

謹去其類節。

類音

右轉淨車。收淨絲於簠車。一左旋。一右旋。其行亦異遲速也。簠中積徑三寸為一筒。脫之。

道經

盛淨筒。弓絡車收之。車如繡車。軸有柄。出於背。收訖列左。右列維車。維音翠簠長淨之半。貫於筵轉車收左

之緒。謹去類之不盡者。簠中積徑寸許為一維。脫之。

易簠若水絲。收絡車訖。脫之。弓米泔溫之宿之。泔音甘。溫

誣去聲

道緯

小趺方四寸。厚半寸。中植筵。揉竹片為提。中孔之長  
尺。徑二分之木為道執。中鉗牛角尖。鉗音箱長二寸。筵  
貫徑筒。緒出提孔。左引之。右搦道執中。搦音溺顛倒收  
其絲。節則勻。已脣齒。肉半沒。則出而脫之。抽緒頭束  
之。絲之筦也。活當肉者穴。已貫梭。緒先裏而外。如縲  
絲然也。水絲經緯同。維緯小經者半。

牽經

橫經架二。上排經柱。行架如之。貫竈有柄。曰次牽縮。  
經柱足。竈數止。竈音扣。訖。搃之。又貫竈牽之數。曰茅刷。  
梳之。蘸米泔光之。蘸音贊。而隨曰火晞之。自是上機與  
他織同。

諸紬

曰府紬。其上也。其粗勁而皺者曰雞皮繭。次也。毛紬  
又其次也。水紬雖先於府紬。品最下。而名目獨多。其  
雙經單緯者曰雙絲。單經雙緯者曰大雙絲。單經單

緯者曰大單絲。小單絲者。但疏而狹。亦曰神紬。

紬病

售紬權輕重為價。銖兩同。價相若。此謂府紬。水紬價

織戶。已此故。膠。已米。粉。已綠豆。紬下機。則畢。築粉。已

膠。膠之。已碾碾之。碾音研。上聲。已炕輓炕之。令粉與絲化

府紬增重多者。至十分匹之三。今府紬已有行禁。不為此。惟水紬仍舊。

若水紬。則築於染。其青色。紫色。大紅。天青。佛青。岡青

者。築蜀糝。音祭。其黃綠。淡綠。魚肚白。喜白。水紅。桃紅。洋



藍棕色秋湘玫瑰諸色者。築綠豆各有法。惟膠者同至增重十分匹之五。紬曰此病利之所在。終不能止也。然貨善速售。利與偽相得。惜不爲。

脰由脰音

府紬。執先入脰戶。柔之後。入染戶。柔曰猪脰。

毛繭

蛾出者曰毛繭。被齧不可繅也。蛾之出。但齧繭頭一小孔。雖不盡斷。已不可繅。但煮之。去其蛹。用一尺之竿。疊冒繭於上。別一

竹籤長竿之半。底鎮鉛環。左執冒。右績之。掌摩籤令旋而墜。冒續續如抽綿筒。其旋益下。絲因急。右疾提收之。去絲節。惟恃唇齒往來在手。不廢遊談。而功自就。又有用脚車者。脚車方二尺之架。為跌。左植方柱。才徑一才之軸。不出於外。兩輪各六輻。徑一尺六才。輻方二才。中穿徑一才六十分才之十二。上穿二才。植一橫聯之。徑六十分才之三十六。以竹為牙。互以索。徑一尺六才。鍤之上。軸一尺一才。貫一方橋。長六才。廣二才。厚一才。不出於外。末植鐵銜。銜高二才。上兩歧。高一才六十分才之十八。相去六十分才之二十四。下以長三才。廣半才之錢。為跌。橫鍤之。傍柱植一釘。上為環。令與銜平。當環外穿柱。深一才。當輪中。

橫鏃一木於方橋徑六十分才之十二。出各三寸。右  
跌植柱三。高五寸。上加方梁。梁如跌之長。令中一柱  
出梁六十分才之三十六。為踏板。長尺五寸。廣三寸。  
末圓之。當中一柱鑿深六十分才之二十四。以銜柱  
之出者。以一輻去牙三才穿之。徑多。踏板三之一。以  
受踏板之末。於方橋上設筵。中方而漸銳至端。紡絲  
時。先貫一木於筵中。使錯銜。後去末二寸貫竹筭。使  
收絲。然後置一頭入銜。令筭在外。置一頭入環。出柱  
間。輪之中環一繩。上繞出筵。乃坐而以左手執絲。竿  
右抽之。以兩足踏板。使板運輪。輪運繩。繩運筵。以急  
絲。板可出可入也。二曰得可。當尺竿之三。曰。惟其絲  
人。之坐高軸五寸。差緩。此絲善且急者。所織為雞皮繭。其鬆惡者。織毛  
紬。麕麕而多類。麕音麕然苦衣且易有勞者服之。

湯繭

忽內本而外末。縲餘衣。

一繭之絲為忽。五忽為糸。十忽為絲。繭之忽頭在內。縲者

撥其頭引之。繹繹而外。凡繭上者無餘殼。中下繭皆有分厚薄耳。此之謂縲餘衣。若不善縲者。雖上繭亦有餘衣。及敗繭。謂油血破口之類。不引緒。並不可手絡。

也。名湯繭。業被絮者。賤售之。和而築之。

先罨之。翻去其蛹。湯洗淨。

乾之。然罔以為絮。欲踏裂。近亦三十年後和築。

簪筐

口徑二三尺。底高尺。蓋高七八寸許。

筐編以荆條。或蠟條。

荆條為上。蠟條次之。平有用之者。知其不佳。

密而實。

疎使透風可緩卵之音其條跽音海不滑也附卵斯固必

用新者編筐必用生條使卵受生氣乃易生若以舊筐布卵則一子不出

蠶刷以掃出筐之子

剪茅穗將其花數十莖為束四五束其稈將去花之穗尖不束

長六七寸已大則傷先已長則礙用

### 繭範

篾為範廣三尺濶二尺下殺聲殺衰去高四尺貫擔者中

其疏可出半繭堅而實未滿中則合其口若肩蛾即

緣附其外。其翼相接。不識者以為乾樹葉也。

蠶剪

剪似縫剪。短而厚。以裁枝遷蠶。

響哥音可。一名響。一名響橋。

五尺之竹。下多裂之。無傷上二尺。執而振之。互相擊而鳴也。以敬馬鳥。

機竿

鳥至。先栖高木。左右顧始下食。蠶守者相厭。常置機。

竿當厥極。竿長四尺。橫縛一帀於樹末。繫繩。繩前尺五寸。結一楔子。楔音屑。長三寸。又前結活套。末繫於樹上竿尺。長竿尺。別伐一搭鉤。長竿三之一。上竿尺二寸。如縛竿下迤。則鉤末與縛處平也。上橫一木竿。爲機。長如搭鉤。不繫。一帀倚樹。一帀屈竿。令楔子倚之。鉤末上活套環機。鳥以機爲枝也。踏之。機墮。楔子發。竿疾回。引套。鳥足結。無脫者。

# 排套

用馬尾每三四莖為活套餘者雜以麻續辨音之為

綱綱才套一套交如連環長其首末繫當杈杈間

音又尾細而光滑鳥集枝不見也視其首入套中遽

驚之首或進退皆結也

沙撮

竹四五尺析其末五六寸篾絲編之略如箕而小歛

本侈口子蠶時上樹十四撮沙土撒以驚鳥以沙與土細隨

不傷

驚鳥



擊霹

擊音料斜擡上也。擊至二眠後始可用擊霹以前用抄撮。

竹長平人頭。摩節令滑。上五分之三。貫三才管。糾梭繩如指大。一頭環之。屈中以細繩經緯為篋。一頭繫管下。一頭貫竿末至管。篋與竿下齊。盛石向空擲之。石去。繩亦從竿末出也。去遠者可半里。聲鳴於中。如驟雷。以驚鳥。值之則斃。有不以竹者。以繫管繩套套於右中指。屈之以右大指食指搨其末。擊之。擊時必弛其搨。石始脫去。去之遠。稍遜於竹擊十之三。

茅刷

牽經用以刷。

刷呂茅之老根為之取其勁滑且芒刺腰束之  
下徑四寸中留竹柄

種櫟

櫟實九月拾之掘坑埋其內令芽二月出而種之十

月間櫟實老自落拾其堅好者掘海潤處為坑聚而  
土覆之至來年二月皆生芽乃分種之若不害之潤  
處則乾且蠹乾則難生蠹則不生也不即種而必行  
埋俟來年二月者方冬土燥仍恐其乾而不生也  
必相距三尺毋已密太密則得地薄枝條不茂且蠹  
時不便循行若疎過三尺又曠  
惜土可其生也明年耘之三年稍殺之四年五年可蠶

也。或生二年盡伐之。俟蘗又殺之。則速成樹。凡下種  
能和以猪血者。易生。且他日葉美宜蠶。櫛子入土多為田眾所食  
分種時。已猪血塗子。可無櫛生。一二年行間可種苡  
麥。三年則止。凡今年飼蠶之林。明年必不飼。謂之歇  
四五年始蠶。間年歇而蠶之。則三飼蠶之林。其樹必  
近十年則已高。移下難。即伐之。留其根。次年之蘗可  
飼子蠶。三四年皆可食壯蠶。亦間年一飼。已高仍  
伐之。一種可十餘伐也。種櫛一事。可謂一年之勞。百  
年之利。

## 自叙

戴君者民也養民者衣食也出衣食者耕織也不耕則飢矣不織則寒矣飢寒亂之本也飽煖治之原也故衣食自古聖人之所盡心也堯命羲和爲此謀天也禹八年於外爲此謀地也舜咨九官十二牧爲此盡利也湯武誅放桀紂爲此去害也周公夜思繼曰求善此之法也孔子孟子老於樞皇求善此之柄也無衣食古今無世道也舍衣食聖賢無事功也自井田廢而食之路隘矣雖名至治無干戈而已矣無災

異而已矣豪富者無惡歲也貧苦者無豐年也為食之路隘也若衣之路則倍於古矣古麻絲葛而已今則中土之克絲也鹵北之毛也絨也其名不可勝數也而惟富人得是也天下率衣木棉也而十五猶僅蔽前也古之桑麻婦功也皆自為白衣也餘始通易也雖王后亦親蠶織曰供天子冕服也今則男事也非為衣也曰謀食也故古之民上勸之而猶惜其力也今之民不惜力而惜其無地可施也故雖堯舜亦

無法也有可衣食任自為也今貴州之地十九山也  
田不足食居人也無吳楚齊秦利也櫛齒先郡守遺  
官食遵民者也今食者十之八矣有田者且食之也  
皆櫛也但有山也皆可櫛也櫛則食矣但知蠶也山  
人之山而亦食矣非一遵義也非一貴州也此謹之  
所自作也

書後

貴州府十二直隸廳州四屬州縣四十八而遵義縣

為大縣疆域廣袤三四百里戶口二十萬零賦稅幾  
敵全省半歲科鄉會人士亦居十二烏虜盛矣而其  
先廣袤者如故也戶口租賦十無四五也歲科鄉會  
如故也人士十無二三也何今之美替之陋歟抑其  
致此者皆有所自來歟夫遵義之地岡巒峯阜相攢  
翳無一里原無五里陸依山為田皆如梯枕其土瘠  
石瘦不可田又不可勝計也以二十萬戶人褻然耕  
鑿其中我知各糊口之不給而何有以輸納租賦而

何暇於陶冶詩書也而後乃今知陳省庵舊守之詒  
澤遠矣夫子之言曰富之教之又曰不患寡而患不  
均不患貧而患不安盡縣而凶則難均難均則多貧  
多貧則難安難安則民皆思去而至於寡此理勢之  
必然者而遵義自有榘繭來寡者曰以衆貧者曰以  
富數千萬戶罔不含哺鼓腹怡然於榘陰絲竈之間  
而其秀者亦得所憑藉以優游乎文林義府爭閑雅  
都麗以與吳越齊秦人士相軒輊均無貧和無寡既



富乃可加教意在斯乎陳公去遵幾百年矣仁聲惠  
政猶幸嘖嘖人口而志乘闕如因陋就簡再數十年  
選老向盡一邑之衣而食之社而稷之者恐至不能  
道其姓字摘果而忘柎飲羹而忘水君子有世道人  
心之患鄭君樗繭謹之作盖大懼乎此也故首之曰  
誌惠也定樹曰辨物也定繭曰正名也別時地析利  
病詳其煖觀眠食居守移下之方著其炕者繅淨道  
率之事白紬品之良否明易且要之器用形狀然後

以種櫟終焉蠶始即食櫟也終終始始之義也凡皆  
陳公以度富遵民之遺法也且夫四十八州縣其十  
九皆山猶遵義也山之宜櫟猶遵義也而戶口獨少  
於遵義賦稅獨少於遵義歲科鄉會人士獨少於遵  
義論者曰為疆域之廣狹土地之肥磽習俗之文野  
不可彊而同吾獨謂無有若以櫟繭福民之陳公也  
不爾則三四百里之州縣賢州所常有而遵義一縣  
能幾膏腴能幾材俊哉守土者盡能依其法而行之

則不必陳公而山國皆可遵義也與獨山莫友芝

註叙

德雲衢明府泣遵義唯民之利病殷殷然耳熟櫛齒  
之法昉舊守陳公百年已來惠澤溥溥而邑無志乘  
循蹟就湮日思所已表彰之而未發適邑人已從祀  
名宦請大愜所願朱洽旬而詳牘抵上游矣既又熟  
慮陳公法施遵義效如是貴州州縣土地物宜亦遵  
義也櫛齒何已不遵義也皆法未施也乃詢友芝已

種櫛飼蠶繰絲織紬之方麤獷未能覲縷審我友鄭  
君子尹仲有樗蒲誼聊語應責而明府是時方延鄭  
君主講時其來亟索稿將授梓已分遺寅好期各行  
之所土此其便民之意與陳公同而其觀成也尤大  
誠所謂不朽盛事之美也顧鄭君書文詞雅奧伯仲  
乎有宋之陳秦農蠶二著間頗無意於規模攷工而  
筆墨時時與之律有非過目可了了者在鄭君不過  
偶焉落簡藉以旌紀前賢藏之名山備異日地志掌

故使他人不嗤陋我邦已耳明府而欲僭闡名蹟詡  
飾山縣則是書誠卓矣而不然者此斑焉古色眩於  
目而棘於口者將覆瓿不暇而尚欲呂家喻戶曉不  
幾於秦人之入越夏蟲之語冰也哉因屬友芝加之  
音釋辭不獲命暇日逐事咨訪舉鄭君書細校一過  
為疏其難明而附呂未備徵文據典皆在所畧凡三  
日夜卒業而叙之如此烏虜友芝居遵義十五年不  
能濡翰傳記其大夫之賢者徵法注鄭君書而益滋

愧矣道光十七年四月既望獨山莫友芝